



Халқ сўзи

Ўзбекистон –
келажаги
буюк
давлат

2025 йил — АТРОФ-МУҲИТНИ АСРАШ ВА «ЯШИЛ» ИҚТИСОДИЁТ ЙИЛИ

1991 йил 1 январдан чиқа бошлаган

WWW.XS.UZ

E-mail: Info@xs.uz

2025 йил 16 ноябрь, № 238 (9133)

Якшанба

Сайтимиизга ўтиш учун QR-коднинг телефонингиз орқали сканер қилинг.



СТРАТЕГИК ШЕРИКЛИК ВА ИТТИФОҚЧИЛИК МУНОСАБАТЛАРИНИНГ ЯНГИ БОСҚИЧИ

Ўзбекистон Республикаси Президенти Шавкат Мирзиёевнинг таклифига биноан Қозоғистон Республикаси Президенти Қосим-Жомарт Тоқаев давлат ташрифи билан мамлакатимизда бўлиб турибди.



Кўксарой қароргоҳида 15 ноябрь куни икки давлат етакчилари ўртасида тор доирадаги музокаралар бўлиб ўтди.

Ўзбекистон ва Қозоғистон стратегик шериклар ҳамда тараққиёт йўлидан биргаликда бораётган ишончли иттифоқчилардир. Бу икки давлат раҳбарларининг минтақавий барқа-

рорлик ва хавфсизликни таъминлаш, узоқ муддатли шерикликни ривожлантириш борасидаги қарашлари ўзаро мос келаётганини кўрсатади.

Транспорт-коммуникация йўлақларини шакллантириш, энергетик ҳамкорликни чуқурлаштириш, экология масалаларида ҳамжиҳат позиция

шаклланиши муносабатларнинг янги босқичга кўтарилганининг амалий исботидир. Бу йўналишларда қўлга киритилаётган натижалар нафақат икки томонлама манфаатни, балки бутун минтақа учун стратегик аҳамиятти ифодалайди.

(Давоми 2-бетда).



КўП ҚИРРАЛИ АЛОҚАЛАРНИ ЯНАДА МУСТАҲКАМЛАШНИНГ ДОЛЗАРБ МАСАЛАЛАРИ МУҲОКАМА ҚИЛИНДИ

Кўксарой қароргоҳида Ўзбекистон Республикаси Президенти Шавкат Мирзиёев Марказий Осиё давлатлари раҳбарларининг еттинчи Маслаҳат учрашувида иштирок этиш учун мамлакатимизга келган Тожикистон Республикаси Президенти Эмомали Раҳмон билан учрашди.



Етакчилар Ўзбекистон — Тожикистон дўстлик, яхши қўшничилик, стратегик шериклик ва иттифоқчилик муносабатларини янада кенгайтиришнинг долзарб масалаларини муҳокама қилдилар.

Ўзаро савдони кўпайтириш бўйича мувофиқлаштирилган

чора-тадбирлар кўриш, саноат, энергетика, қишлоқ хўжалиги ҳамда бошқа устувор соҳаларда кооперация лойиҳаларини илгари суришга алоҳида эътибор қаратилди.

Фаол маданий-гуманитар алмашинувлар ва самарали худудлараро

алоқаларни давом эттириш муҳимлиги таъкидланди.

Шунингдек, Марказий Осиёда минтақавий ҳамкорликни мустаҳкамлаш юзасидан фикр алмашилди.

Ўзбекистон Республикаси Президенти
Матбуот хизмати суратлари.

ОЗАРБАЙЖОН БИЛАН АМАЛИЙ ҲАМКОРЛИКНИ КЕНГАЙТИРИШ МУҲИМЛИГИ ҚАЙД ЭТИЛДИ

Ўзбекистон Республикаси Президенти Шавкат Мирзиёев 15 ноябрь куни Марказий Осиё давлатлари раҳбарларининг еттинчи Маслаҳат учрашувида иштирок этиш учун мамлакатимизга келган Озарбайжон Республикаси Президенти Илҳом Алиев билан учрашув ўтказди.

Суҳбат аввалида Илҳом Алиев Ўзбекистон етакчисига Маслаҳат учрашувида иштирок этиш таклифи учун миннатдорлик билдирди.

Давлатимиз раҳбари, ўз навбатида, қардош Озарбайжон Президенти ва халқини жорий йил 8 ноябрь куни нишонланган Галабанинг беш йиллиги билан самимий табриклади.

Ўзбекистон Президентининг шу йил июль ойида Озарбайжонга давлат ташрифи давомида эришилган келишувларни амалга ошириш доирасида Ўзбекистон — Озарбайжон

стратегик шериклик ва иттифоқчилик муносабатларини янада ривожлантириш ҳамда мустаҳкамлашнинг долзарб масалалари муҳокама қилинди.

Барча даражаларда самарали алмашинувлар давом этмоқда. Жорий йил бошидан товар айирбошлаш ҳажми 15 фоизга ошди. Автомобилсозлик, энергетика, туризм ва бошқа тармоқларда саноат кооперацияси бўйича қўшма лойиҳалар фаол паллага кирган.

Етакчилар бўлажак олий даражадаги учрашув ва тadbирлар режасини ҳам кўриб чиқдилар.

УМУМИЙ МАДАНИЙ ВА МАЪНАВИЙ МЕРОС МИНТАҚА МАМЛАКАТЛАРИНИНГ ЯҚИНЛАШИШИГА ХИЗМАТ ҚИЛАДИ

Марказий Осиё давлатлари раҳбарларининг еттинчи Маслаҳат учрашувида иштирок этиш учун мамлакатимизга келган минтақа мамлакатлари ва Озарбайжон Президентлари Ўзбекистон Президенти билан биргаликда Тошкентдаги Ислom цивилизацияси марказига ташриф буюрдилар.

Давлатимиз раҳбари ташаббуси билан ташкил этилган марказ ислom цивилизациясининг бебаҳо меросини асраб-авайлаш ва тарғиб қилишга бағишланган ноёб манбалар, илмий тадқиқот ва таълим йўналишларини бир жойга жамлаган тарихимиздаги илк мажмуа бўлди.

Мажмуа миллий мейморий анъаналар ва замонавий безаклар уйғунлигида барпо этилди. Иншоотнинг тўрт томонида баландлиги 34 метрли пештоқлар, ўрта қисмида эса 65 метрли миллий услубдаги гүмбаз қад ростлаган.

Озарбайжон Президенти Илҳом Алиев, Тожикистон Президенти Эмомали Раҳмон, Қирғизистон Президенти Садиr Жапаров, Қозоғистон Президенти Қосим-Жомарт Тоқаев Президент Шавкат Мирзиёев ҳамроҳлигида мусулмон оламининг бебаҳо маънавий дурдонаси саналган Усмон Мухаффи сақланётган Қуръони карим залига ташриф буюрдилар. Қуръоннинг энг қадимий қўлёзмаларидан бири бўлган ушбу нодир манба улкан тарихий ва маданий аҳамиятга эга бўлиб, минтақамиз халқларининг цивилизациявий ўзига хослигини шакллантирган чамбарчас маънавий ришталаримизни ифода этади.

Етакчилар, шунингдек, "Ислomдан аввалги цивилизациялар", "Биринчи Ренессанс", "Иккинчи Ренессанс" ҳамда "Янги Ўзбекистон — янги Ренессанс" бўлимлари билан танишдилар.

Уларда буюк алломаларимиз Имом Бухорий, Имом Термизий, Абу Мансур Мотуридий, Баҳоуддин Нақшбанд ва бошқа улуғ уламоларнинг бой илмий ва маънавий мероси кенг ёритилган. Кўргазмада сомонийлар, қорахонийлар, хоразмшоҳлар, темурийлар ва бошқа сулолалар даврига оид қўлёзма наشرлар ва уларнинг қадимги ўзбек тилига таржималари ҳам мавжуд.

Етакчилар минтақа мамлакатлари ўртасидаги маданий алоқаларни мустаҳкамлаш, маънавий-маърифий лойиҳаларни илгари суриш ва умумий гуманитар қадриятларни ривожлантириш

муҳимлигини таъкидладилар.

Минтақанинг бой умумий меросини сақлаш ва тарғиб қилиш борасидаги Ўзбекистоннинг кенг қўламли саъй-ҳаракатларига юқори баҳо берилди. Мажмуа замонавий тадқиқот маркази бўлиб хизмат қилишига, минтақа мамлакатлари ўртасида илмий, таълим ва маданий ҳамкорлик учун янги уфқлар очишига ишонч билдирдилар.

Ислom цивилизацияси марказига ташриф давомида Марказий Осиё давлатлари ва Озарбайжон Президентлари "Келажак мероси" халқаро мукофоти совриндорларини тақдирлаш маросимида иштирок этдилар.

Ўзбекистон Республикаси Президентининг қарори билан таъсис этилган халқаро мукофот адабиёт, маданият, санъат, фан, таълим ва рақамли технологиялар соҳаларида катта ютуқларга эришган юртимиз ва хорижий ижодкорларни рағбатлантиришга қаратилган.

Марказий Осиё мамлакатлари ва Озарбайжон вакиллари: Халқаро туркий маданият ташкилоти (ТУРКСОЙ) бош қотиби, Қирғизистон халқ ёзувчиси Султон Раев "Адабиёт" номинациясида, Тожикистон халқ шоири Давлат Сафарзода "Маданият" номинациясида, М. Авезов номидаги Қозоғистон Миллий драма театри актриси Еркебулан Дайиров "Театр ва кино" йўналишида, Озарбайжон халқ артисти Алим Гасимов "Музыка ва рақс" номинациясида, Туркменистон халқ артисти Бабасари Анамирадов "Тасвирий ва амалий санъат" йўналишида, Ўзбекистон Қишлоқ хўжалиги вазирлиги ҳузуридаги халқаро марказ директори ўринбосари, қишлоқ хўжалиги фанлари доктори Дилфуза Эгамбердиева "Фан, таълим ва рақамли технологиялар" номинациясида танловнинг илк ғолиблари бўлди.

Етакчилар ҳузурида лауреатларга мукофот хайкалча, диплом ҳамда 10 минг долларлик пул мукофоти топширилди.

Ў.А.

ТУРКМАНИСТОН ПРЕЗИДЕНТИ ДАВЛАТ ТАШРИФИ БИЛАН ЎЗБЕКИСТОНДА БЎЛАДИ

Ўзбекистон Республикаси Президенти Шавкат Мирзиёевнинг таклифига биноан Туркменистон Президенти Сердар Бердимухамедов 16-17 ноябрь кунлари давлат ташрифи билан мамлакатимизда бўлади.

Олий даражадаги музокаралар кун тартибига Ўзбекистон — Туркменистон стратегик шериклик муносабатларини янада ривожлантириш ва мустаҳкамлаш, кўп қиррали ҳамкорликни, биринчи навбатда, сиёсий, савдо-иқтисодий, транспорт, сув-энергетика, маданий ва гуманитар соҳаларда кенгайтириш масалалари киритилган.

Ташриф доирасида давлат раҳбарлари "Шовот — Тошовуз" чегараолди савдо зонасининг очилиш маросимида ҳам иштирок этишади.

Ўзбекистон ва Туркменистон етакчилари халқаро ҳамда минтақавий масалалар юзасидан фикр алмашдилар.

Саммит якунида Қўшма баёнот қабул қилиниши ва икки томонлама ҳужжатлар тўплами имзоланиши режалаштирилган.

Туркменистон Президенти, шунингдек, Марказий Осиё давлатлари раҳбарларининг еттинчи Маслаҳат учрашувида иштирок этади.

Ў.А.

Ўзбекистон — Туркменистон:

БАРҚАРОР КЕЛАЖАК ЙЎЛИДАГИ ҲАМЖИҲАТЛИК

Туркменистон Президенти Сердар Бердимухамедов 16-17 ноябрь кунлари давлат ташрифи билан Ўзбекистонда бўлади.

Ташриф давомида Туркменистон етакчиси Марказий Осиё давлат раҳбарларининг еттинчи Маслаҳат учрашувида иштирок этади.

Сўнгги йилларда Ўзбекистон — Туркменистон муносабатлари кўп асрлик яхши қўшничилик алоқалари ва умумий тарихий, маданий ҳамда маънавий қадриятларга асосланган барқарор суриятлар ва изчил ривожланишни намоиш этди.

СТРАТЕГИК ШЕРИКЛИК ВА ИТТИФОҚЧИЛИК МУНОСАБАТЛАРИНИНГ ЯНГИ БОСҚИЧИ

◀ (Давоми. Бошланиш 1-бетда).

Иқтисодий ўзаро боғлиқлик ҳам изчил ўсмоқда. Икки томонлама савдо ҳажмини ошириш бўйича қўйилган мақсадлар амалий қадамлар билан мустаҳкамланмоқда.

Ушбу давлат ташрифи Ўзбекистон — Қозоғистон стратегик шериклик ва иттифоқчилик муносабатлари тарихида янги босқични бошлаб бериши таъкидланди.

Ташрифга тайёргарлик доирасида Тошкентда Ҳукуматларо комиссия йиғилиши ва бизнес форуми, Қозоғистон тиббиёти кунлари, қозоқ ёшмалари намойиши, Остона кунлари ва бир қатор маданий тадбирлар муваффақиятли ўтказилгани мамнуният билан қайд этилди.

Йилнинг ўтган даври мобайнида товар айирбошлаш сезиларли даражада ўсди. Юк ташиш ҳажми ортмоқда, шаҳарлар ўртасида ҳафтасига 40 дан ортиқ авиақатновлар амалга оширилмоқда.

Сўнгги йилларда 6,5 мингта қўшма корхона ташкил этилди ва устувор тармоқларда йирик лойиҳалар амалга оширилмоқда. Саноат ҳажмига қараганда ўзаро манфаатли ҳамкорликни ривожлантириш учун 8 миллиард доллардан ортиқ қийматдаги лойиҳалар портфели тайёрланди. Ушбу лойиҳаларни амалга ошириш учун қўшма инвестиция платформасини ишга тушириш тақлиф қилинди.

Музокаралар давомида энергетика, транспорт, кимё саноати, қишлоқ хўжалиги ва сув хўжалиги, атроф-муҳитни муҳофаза қилиш, ахборот технологиялари ва бошқа муҳим соҳаларда ўзаро манфаатли шериклики кенгайтиришга алоҳида эътибор қаратилди.

Худудларо алоқаларни янада кенгайтириш муҳимлиги таъкидланди. Икки мамлакат худудлари раҳбарларининг биринчи Кенгашини 2026 йилда Қозоғистонда ўтказиш тўғрисида келишувга эришилди.

Давлат раҳбарлари минтақавий ва халқаро масалалар бўйича ҳам фикр алмашдилар.

Шундан сўнг Қўксарой қароргоҳида Ўзбекистон Республикаси Президенти Шавкат Мирзиёев ва Қозоғистон Республикаси Президенти Қосим-Жомарт Тоқаев раислигида Олий давлатлараро кенгашнинг иккинчи йиғилиши бўлиб ўтди.

Давлатимиз раҳбари 2024 йилда таъсис этилган Олий давлатлараро кенгаш формати ўзининг долзарблиги ва самарадорлигини кўрсатганини таъкидлади.

— Муносабатларимиз бугунги кунда энг юқори — стратегик шериклик ва иттифоқчилик даражасига кўтарилди, — деди Шавкат Мирзиёев.

Томонлар ҳамкорлиқнинг янги йўналишларини, икки томонлама салоҳиятдан фойдаланиш йўллари батафсил муҳокама қилдилар ва Ўзбекистон — Қозоғистон шериклигини кенгайтиришга сезиларли туртки бера-

диган бир қатор қарорлар қабул қилдилар.

Ўзаро савдонинг барқарор ўсишини таъминлаш, унинг таркибини диверсификация қилиш ва бизнес учун қулай шaroитлар яратишга алоҳида эътибор қаратилди.

Йил бошидан буён товар айирбошлаш 4 миллиард долларга етгани мамнуният билан қайд этилди. Бу кўрсаткични 2030 йилгача 10 миллиардга етказиш мақсад қилинган.

Бунинг учун барча зарур шaroитлар яратилган, савдо ва инвестиция битимларининг салмоқли тўплами шакллантирилган, “ЎзКазТрейд” компанияси таъсис этилган, ишбилармон деяралар ўртасида тўғридан-тўғри ҳамкорлик механизмлари йўлга қўйилган.

Мамлакатимиз етакчиси саноат кооперацияси соҳасида эришилган катта муваффақиятларни қайд этди.

Ташриф доирасида “Марказий Осиё” халқаро саноат кооперацияси маркази ҳамда 1,3 миллиард долларлик қатор муҳим лойиҳалар ишга туширилди. Бундан ташқари, умумий қиймати 8 миллиард доллардан зиёд бўлган, жумладан, кимё, геология, инфратузилма, логистика, агросаноат ва қўллаб-қўллаб соҳалардаги лойиҳаларни ўз ичига олган кенг қўламли Саноат кооперацияси дастури тайёрланди.

Транспорт ва логистика соҳасида тизимли шериклик устувор йўналиш сифатида қайд этилди. Янги транспорт йўлақларини, шу жумладан, Учкудўк — Қизилўрда йўналишини яратиш, Актау, Қуриқ ва Хорғос портларида юк ташишни рағбатлантириш бўйича биргаликда ишлаш зарурлиги қайд этилди.

Энергия ресурсларини ташиш ва қайта ишлаш, энергияни тежаш, “яшил” технологиялар ҳамда ахборот технологияларини жорий қилиш соҳаларида ўзаро манфаатли ҳамкорлики кенгайтиришга тайёрлик билдирилди.

Сув-экология соҳасидаги ҳамкорлиқни янада мустаҳкамлаш бўйича таъсирчан чоралар қўрилади. Томонлар ташриф доирасида Трансчегаравий сув объектларини биргаликда бошқариш ва улардан фойдаланиш тўғрисидаги битим имзоланишини олқишладилар.

Етакчилар гуманитар алоқалар алоҳида ўрин тутишини қайд этдилар. Жорий йилда Олмаота ва Остона шаҳарларида қўшма маданий тадбирлар — “Лазги” балети, рассомлар кўргазмаси, адабиётчилар форуми ва ёшлар фестивали, шунингдек, Ўзбекистонда Қозоғистон тиббиёти кунлари ва Тошкент шаҳрида Остона кунлари муваффақиятли ўтказилгани мамнуният билан қайд этилди.

Фан ва таълим муассасалари, ёшлар ташкилотлари ўртасидаги алмашинувлари давом эттириш, олий таълим муассасалари билан қўшма дастурларни кенгайтиришга келишиб олинди.

Қўшма сайёҳлик йўналишларини ишлаб чиқиш, Ўзбекистон ва Қозоғистоннинг тарихий қадамжолари, бой маданий ва маънавий

меросини оммалаштириш муҳимлиги таъкидланди.

Шунингдек, музокаралар кун тартиби юзасидан Бош вазирлар ўринбосарлари, энергетика, транспорт ва маданият вазирларининг ҳисоботлари тингланди.

Олий давлатлараро кенгашнинг иккинчи йиғилиши якунида бир қатор муҳим қарорлар қабул қилинди.

Олий давлатлараро кенгашнинг иккинчи йиғилишидан сўнг Ўзбекистон Республикаси Президенти Шавкат Мирзиёев ва Қозоғистон Республикаси Президенти Қосим-Жомарт Тоқаев йирик кооперация лойиҳаларини ишга тушириш маросимида иштирок этдилар.

Хусусан, “Марказий Осиё” Халқаро саноат кооперацияси маркази ва “Tenge Bank”нинг Тошкентдаги янги бош офиси ишга туширилди.

Шунингдек, “Silkway Central Asia” кўп тармоқли логистика маркази, чизикли алкилбензол ишлаб чиқариш қувватлари, Янги Тошкентда “Остона” мавзеси ҳамда пойтахтларда “Тошкент” ва “Остона” меҳмонхона мажмуалари қурилиши бошланди.

Ўзбекистон ва Қозоғистон Президентлари ушбу лойиҳалар икки мамлакат ўртасидаги ўзаро манфаатли савдо-иқтисодий ҳамкорлиқни ривожлантиришга хизмат қилишига ишонч билдирдилар.

Сўнг Қўксарой қароргоҳида Қозоғистон Республикаси Президенти Қосим-Жомарт Тоқаевга Ўзбекистон Республикасининг олий давлат муқофоти — “Олий Даражали Дўстлик” орденини топириш маросими бўлиб ўтди.

Давлатимиз раҳбари муқофотни топириш экан, Қозоғистон Республикаси Президентининг икки қардош халқ ўртасида дўстлик, яқин қўшничилик, стратегик шериклик ва иттифоқчилик муносабатларини мустаҳкамлаш йўлидаги улкан шахсий хизматларини алоҳида қайд этди.

Биргаликдаги саяё-ҳаракатлар туфайли икки халқ ўртасидаги муносабатлар мутлақо янги тараққиёт даражасига чиқиб, намунали аҳамият касб этгани таъкидланди. Парламентлар, ҳукуматлар, худудлар, бизнес, жамоатчилик ва ёшлар фаол ҳамкорлик қилмоқда. Маданий ва гуманитар алмашинувлар кенгайиб бормоқда.

Қосим-Жомарт Тоқаевнинг глобал микёсда тинчлик ва барқарор ривожланишни таъминлаш, шунингдек, минтақамизда ишонч, ўзаро ҳамжиҳатлик ва шериклик муҳитини мустаҳкамлаш борасидаги саяё-ҳаракатлари алоҳида қайд этилди.

Қозоғистон Президенти давлатимиз раҳбари ва Ўзбекистон халқига бундай юксак муқофот учун миннатдорлик билдирди ҳамда қардош мамлакатларимиз ўртасидаги дўстлик ва иттифоқчилик руҳидаги муносабатлар янада мустаҳкамлашишга ишонч билдирди.

Самарали музокаралар якунида Ўзбекис-

тон Республикаси Президенти Шавкат Мирзиёев ва Қозоғистон Республикаси Президенти Қосим-Жомарт Тоқаев Қўшма баёнот имзоладилар.

Шунингдек, давлат раҳбарлари Олий давлатлараро кенгашнинг геология, нодир ер металлари қазиб олиш, трансчегаравий дарёлар оқимини прогноз қилиш бўйича икки томонлама ишчи гуруҳларни ҳамда Ўзбекистон ва Қозоғистон худудлари раҳбарларининг кенгашини тузиш тўғрисидаги қарорларни қабул қилдилар.

Ташриф давомида яна бир қатор ҳужжатлар имзоланди, жумладан:

- Трансчегаравий сув объектларини биргаликда бошқариш ва улардан оқилона фойдаланиш тўғрисидаги битим;
- Божхона хизмати ваколатхоналарини очиш тўғрисидаги битим;
- Чегараолди худудларда ер усти радио хизматлари томонидан фуқаролик мақсадларида фойдаланиладиган радиочастоталарни ўзлаштиришни мувофиқлаштириш тўғрисидаги битим;
- Қўшма ҳарбий ўқувларни ўтказиш тўғрисидаги битим;
- Қўшма инвестиция платформасини яратиш тўғрисидаги ҳадли битим;
- 2026-2027 йилларга мўлжалланган туризм соҳасида ҳамкорлик бўйича қўшма ҳаракатлар режаси;
- Адлия вазирликлари ўртасида 2025-2026 йилларга мўлжалланган ҳамкорлик дастури;

- Тоғ-кон саноатида ҳамкорлиқни ривожлантириш тўғрисидаги меморандум;
- Ўзбекистон Ёшлар ишлари агентлиги ва “Ассамблея жастары” жамоат бирлашмаси ўртасида ҳамкорлик тўғрисидаги меморандум;
- Соғлиқни сақлаш вазирликлари ўртасида иктисослаштирилган тиббий ёрдам кўрсатиш соҳасида ўзаро англашув меморандуми;
- Тиббий сугурта жамғармалари ўртасида ўзаро англашув меморандуми;
- Тошкент шаҳар ҳокимлиги ва Остона шаҳар ҳокимлиги ўртасида ҳамкорлик битими;
- “Ўзбекнефтегаз” ва “Казмунайгаз” акциядорлик жамиятлари ўртасида ҳамкорлик битими.

Қўксарой қароргоҳида бўлиб ўтган самарали музокаралар якунида Ўзбекистон Республикаси Президенти Шавкат Мирзиёев ва Қозоғистон Республикаси Президенти Қосим-Жомарт Тоқаев оммавий ахборот воситалари вакиллари учун баёнот бердилар.

Давлатимиз раҳбари Қозоғистон Президентининг Ўзбекистонга давлат ташрифи тарихий воқеа бўлгани ҳамда Ўзбекистон — Қозоғистон стратегик шериклик ва иттифоқчилик муносабатлари ривожига муҳим босқични бошлаб берганини яна бир бор катта мамнуният билан қайд этди.

Ташриф доирасида Олий давлатлараро кенгашнинг иккинчи йиғилиши бўлиб

ўтди, унда икки томонлама кун тартибининг муҳим жиҳатлари муҳокама қилинди.

Иқтисодий ҳамкорлик масалаларига устувор аҳамият қаратилди. Қозоғистон Ўзбекистоннинг муҳим савдо шерикларидан бири экани таъкидланди.

Жорий йил бошидан товар айирбошлаш 15 фоизга ўсгани айтилди. “Марказий Осиё” халқаро саноат кооперацияси марказининг очилиши ташрифнинг муҳим воқеаси бўлди.

Ушбу илгор лойиҳа мамлакатларимиз ўртасидаги кооперация алоқаларини чуқурлаштириш ва замонавий қўшилган қиймат занжирларини шакллантиришга қаратилган.

Энергетика соҳасидаги ҳамкорлик, хусусан, анъанавий ва муқобил энергетика бўйича қўшма лойиҳаларни илгари суриш стратегик йўналиш сифатида белгиланди.

Томонлар атроф-муҳитни муҳофаза қилиш ва сувдан оқилона фойдаланиш соҳасида, энг аввало, Марказий Осиё минтақасида ҳамкорлиқни ривожлантирадилар.

Маданий-гуманитар алоқаларни ривожлантириш масалалари муҳим аҳамиятга эгаллиги таъкидланди.

Фан ва таълим муассасалари, ижодий ва ёшлар ташкилотлари ўртасидаги алмашинувларни фаоллаштириш, туризм соҳасидаги қўшма дастурларни кенгайтиришга келишиб олинди.

Томонлар минтақавий ҳамкорлиқни янада мустаҳкамлашга интилишларини яна бир бор таъкидладилар. Шу маънода, Марказий Осиё давлатлари раҳбарларининг Маслаҳат учрашувлари муҳим ўрин тутиши қайд этилди.

16 ноябрь куни Тошкентда бўлиб ўтадиган Марказий Осиё давлатлари раҳбарларининг еттинчи Маслаҳат учрашуви минтақавий интеграция ва бутун Марказий Осиёда бирдамликни мустаҳкамлаш жараёнларига янги суръат бағишлаши алоҳида таъкидланди.

Қўп томонлама, шу жумладан, Бирлашган Миллатлар Ташкилоти, ШҲТ, МДҲ, Туркий давлатлар ташкилоти, “Марказий Осиё плюс” форматларида ўзаро қўллаб-қувватлашни давом эттириш муҳимлиги қайд этилди.

— Ҳурматли Қосим-Жомарт Кемелевичнинг ташрифи мамлакатларимиз ўртасидаги иттифоқчилик муносабатлари юксак даражада эканини яна бир бор яқол тасдиқлади, — деди мамлакатимиз етакчиси.

Яқунда Президент Шавкат Мирзиёев эришилган келишувлар ва имзоланган битимлар икки томонлама шериклиқни аниқ мазмун билан бойитиши, қўшма лойиҳалар учун янги уфқлар очиши, биродар давлатларнинг барқарор тараққиёти учун мустаҳкам замин яратишига ишонч билдирди.

Қозоғистон Республикаси Президенти Қосим-Жомарт Тоқаевнинг Ўзбекистонга давлат ташрифи давом этмоқда.

Зиёдулла ЖОНИБЕКОВ,
Икром АВВАЛБОВ,
ЎзА мухбирлари.

Ифтихор

Маҳмуд ТОИР,
Ўзбекистон
халқ шoirи,
Олий Махлис
Сенати аъзоси.

ҚАРДОШЛАР

*Бу дунёни асраб бўлмас кўз ёш билан,
Тонг жамоли кулиб чиққан кўёш билан,
Халқлар асли халқ бўлайдир қардош билан,
Ўзбекман, деб санасам беш бармоғимни,
Кўрдим туркман, тожик, қирғиз, қозоғимни.*

*Аждодлари қондош бўлган, жондош бўлган,
Тил мулкида, дил мулкида сирдош бўлган,
Бир-бирига кўнгил берган, бардош бўлган,
Дунё билар бобомерос сабоғимни,
Ўзбек, туркман, тожик, қирғиз, қозоғимни.*

*Ғафур Ғулом, Турсунзода, Собит Муқон,
Айтмушдада бир-биридан бўлган чаққон,
Адабиёт она бўлиб бирга туққан,
Қадрайман қадриятим, қароғимни,
Ўзбек, туркман, тожик, қирғиз, қозоғимни.*

*Ойлар ойини, йиллари йилни қувиб ўтиб,
Ҳақ ёр бўди, ҳурриятни оло кутиб,
Бир-бирини қўтладилар гушлар тутиб,
Бир мушт қилсам бугун бешта бармоғимни,
Кўрдим туркман, тожик, қирғиз, қозоғимни.*

*Биз Марказий Осиёнинг беш бармоғи,
Бирлигида нур оғандир дил чироғи,
Осмоғида офтобларан бaxт байроғи,
Қардошим, деб очганда кенг қучоғимни,
Кўрдим туркман, тожик, қирғиз, қозоғимни.*

*Тошкент бугун орзуларга эшик очар,
Янги давр остонаси нурип сочар,
Тўлиб оққан Амудайин қалбим тошар,
Ўздан бошлаб санасам беш бармоғимни,
Кўрдим туркман, тожик, қирғиз, қозоғимни.*

*Бешов ўлка маърифатдан обидланди,
Юртбошилар аҳд-вафода собитланди,
Бор дунёга тинчлик деган сўз тиланди,
Ўзбекман, деб санасам беш бармоғимни,
Кўрдим туркман, тожик, қирғиз, қозоғимни.*

Брюссель ташқи сиёсий ваколатхоналари тармоғини қайта қўриб чиқиш доирасида Тошкентда янги элчихона очишни режалаштирмоқда.

ЭЗГУ ҒОЯНИНГ ҲАЁТИЙ ИҒОДАСИ

Бугун луғатимизда “Ўзбекистон ташаббуслари” деган ибора пайдо бўлди. Бу тушунча тинчлик, ишончли ҳамкорлик, яқин қўшничилик маъносида дунё халқлари тилида ҳам жарағламोқда.

Ҳақиқатан ҳам, Марказий Осиёнинг янги даврга қадам ташлагани, минтақавий тинчликнинг барқарорлашгани, аввало, Ўзбекистон етакчисининг халқпарвар, узоқни кўзлаган адолатли прагматик сиёсати натижасидир. Дунё шитоб билан ўзгараётган, турли минтақалардаги низолар тинчлик ва хавфсизликка жиддий таҳдид солаётган бир пайтда Ўзбекистон ҳар қандай зиддиятни фақат дипломатия, музокара, тинчлик йўли билан ҳал этишнинг қатъий тарафдори эканини таъкидлаб келмоқда. Бу соҳадаги амалий қадамларнинг самараси эса кўзга яққол ташланаяпти.

Дўстлик, тотувлик, хайрли муносабатлар минтақада фаровон ҳаёт кечирishiнинг асоси бўлиб хизмат қилмоқдаки, бундан, биринчи навбатда, шу юртнинг одамлари наф кўряпти. Ўзгаришлар, янгиланишлар улар ҳаётида акс этмоқда. Яхши қўшничилик муносабатлари, чегараларнинг очилиши ва назорат-кириш пунктларининг ташкил қилиниши Марказий Осиё давлатлари билан конструктив мулоқот натижасида амалга ошди.

Амалий ҳаракатлар, келажақ учун масъулият,

яхши қўшничилик, дўстлик ва ўзаро манфаат тамойилларига содиқлик мана шу муҳитни пайдо қилди. Рамзий маънода айтганда, яқин йилларга қўшни давлатлар билан орада пайдо бўлган кўринмас деворлар ўрнини кўприқлар эгаллади.

Агар эътибор қилсак, бу кўприқнинг тамал тошлари Президентимиз мамлакат раҳбари бўлиб иш бошлаган биринчи кунларда қўйилганига гувоҳ бўламиз. Давлатимиз раҳбарининг биринчи сафарини эслайлик. Жуда кўпчилик, хорижий экспертлар ҳам, шубҳасиз, янги давлат раҳбари ўзининг илк давлат ташрифини ривожланган мамлакатлардан бошлашини тахмин қилган эди. Президентимиз эса биринчи давлат ташрифини 2017 йил март ойида қўшни Туркменистон Республикасига амалга оширди. Ҳеч эсимдан чиқмайди, Халқро хотин-қизлар байрами кўни тантанасида ташрифларини эълон қилиб, Ўзбекистон оналаридан дуо олган эди. Демак, биринчи кунданок Марказий Осиё — Ўзбекистоннинг ташқи сиёсатида энг устувор йўналиши деб белгиланган. Бу бежиз эмас эди. Чунки қатор муаммолар ўз

ечимини қутар, уларни эса фақат оқилона стратегик ҳамкорлик муносабатлари туфайлигина ҳал этиш мумкин эди.

Биринчи марта 2018 йилда Президентимизнинг ташаббуси билан Марказий Осиё давлатлари раҳбарларининг Маслаҳат учрашуви Остона шаҳрида бошланган эди. Айнан ўша ташаббус туфайли мамлакат етакчиларининг самарали мулоқоти бир неча йилдан буён мунтазам ва изчил ўтказиб келинмоқда.

Натижада қисқа вақт мобайнида минтақада мутлақо янги сиёсий муҳит яратилди. Бу хавфсизлик, барқарор ривожланишни таъминлашга хизмат қилиб келаётган қатор ташаббус-тадбирларга йўл очди.

Айни кунларда ҳам Тошкент Марказий Осиё етакчиларининг навбатдаги саммитига мезбонлик қилаяпти. Ушбу нуфузли мулоқот минтақавий бирдамликни янги босқичга олиб чиқishi, ҳамкорликни янада чуқурлаштиришга хизмат қилиши, шубҳасиз. Президентимиз бир неча йил илгари “Марказий Осиё — бизнинг умумий уйимиз!” деб эълон қилган эди. Мазкур нуфузли анжуман ана шу ғоянинг амалий ифодаси сифатида минтақа давлатларини янада жипслаштиради.

Комила КАРОВОВА,
Олий Мажлис Сенати аъзоси.

АЗАЛИЙ ДЎСТЛИК ВА ИШОНЧНИНГ ЁРҚИН НАМУНАСИ

Қўрсарой қароргоҳида бўлиб ўтган Ўзбекистон Республикаси Президенти Шавкат Мирзиёев ва Қозоғистон Республикаси Президенти Қосим-Жомарт Тоқаев ўртасидаги самарали музокаралар мамлакатлараро азалий дўстлик ва стратегик ишончнинг ёрқин намунаси бўлди. Қозоғистон Президентининг бу сафари ўзаро иттифоқчилик муносабатларимиз тараққиётида тарихий воқеа сифатида янги даврни бошлаб берди.

Ташриф доирасида ўтказилган Олий давлатлараро кенгашининг иккинчи йиғилишида икки томонлама кун тартибининг энг муҳим масалалари атрофича муҳокама этилди. Айниқса, иқтисодий ҳамкорлик, савдо айланмаси ва саноат кооперациясини янада чуқурлаштириш устувор вазифа сифатида белгиланди.

Шуни алоҳида таъкидлаш зарурки, жорий йил бошидан товар айирбошлаш 15 фоизга ўсиб, қарийб 4 миллиард долларга етмоқда. Бу рақамлар ўзаро ҳамкорлиқнинг амалий ва истискоб-ли эканини яққол кўрсатади. 2030 йилга бориб ўзаро товар айланмаси ҳажмининг 10 миллиард долларга етказиш бўйича аниқ режалар ва механизмлар қабул қилингани эса давлатларимиз ўртасидаги ўзаро ишонч ва прагматик ёндашувнинг ёрқин ифодасидир.

Тошкентда очилган “Марказий Осиё” халқаро саноат кооперацияси маркази икки томонлама иқтисодий ҳамкорлиқнинг янги моделини шакллантиришда катта аҳамиятга эга. Шу билан бир қаторда, умумий қиймати 1,3 миллиард долларлик янги лойиҳаларга старт берилгани, транспорт логистикаси ва энергия соҳасидаги қўша ташаббуслар келгу-

Кобул ТУРСУНОВ,
Олий Мажлис Сенати аъзоси.

ДУНЁГА ЎРНАК БЎЛАЁТГАН СИЁСАТ

Президентимиз Шавкат Мирзиёевнинг Тошкентда бўлиб ўтаётган Марказий Осиё давлатлари раҳбарларининг навбатдаги Маслаҳат учрашуви олдида эълон қилинган “Марказий Осиё янги давр остонасида” номли дастурий мақоласида сув ресурслари билан боғлиқ масалага ҳам алоҳида эътибор берилгани бежиз эмас. Айнан ушбу масала ҳам минтақа давлатлари ўртасида турли ихтилофларга сабаб бўлаётган эди.

Маълумки, Марказий Осиё давлатлари бири-бири билан узвий боғлиқ бўлган умумий сув ресурсларига эга. Биргина Ўзбекистоннинг ўзи 80 фоиз сувни ташқаридан олади. Қозоғистон ва Туркменистон ҳам қўшни давлатлардан оқиб келадиган Амударё ва Сирдарё суви билан боғланган. Демак, юқорида жойлашган давлатларда сув билан боғлиқ ҳар қандай ўзгариш қуйидаги мамлакатларга таъсир этмасдан қолмайди. Шу боис азалдан қўшни бўлган давлатлар ўртасида ушбу масалани ҳал этмай туриб, минтақада барқарор тинчлик ва тараққиётни кафолатлаб бўлмайди.

Бу масаланинг стратегик аҳамиятини Ўзбекистон мисолида кўрадиган бўлсак, мамлакатимизда сувнинг 90 фоиздан ортиғи қишлоқ ҳўжалигига сарфланади. Етарлича сув бўлмас экан, энергия, озиқ-овқат хавфсизлигини таъминлаш, табиат софлигини сақлаш ҳақида гапирishi бефойда.

Мамлакатимиз аҳолиси яқин йилларда 40 миллионга етади. Албатта, бу табиий равишда сувга бўлган эҳтиёжни ҳам бир неча баробар оширади. Масалан, аҳолиимизнинг ичимлик сувига талаби 2030 йилга бориб 2,3 миллиард куб метрдан 3 миллиард куб метрга етиши кутилаяпти. Қолаверса, саноат ва энергетика соҳалари ривожланиб, йиллик сув истеъмоли 1,9 миллиард куб метрдан 3,5 миллиард куб метрга етади.

Иқлим ўзгариб, сувнинг асосий манбаси ҳисобланган музликларнинг катта тезликда эриши натижасида асосий дарёларда йилдан-йилга сув камайиб бораётгани ҳам ушбу масаланинг

нақадар долзарблигини кўрсатади. Яъни минтақа давлатлари ўртасида сув ресурслари бўйича очиқ ва манфаатли келишувлар тузилмас экан, минг йиллар давомида қўни-қўшни бўлиб яшаган халқлар ўртасида ҳақиқатан ҳам зиддиятлар пайдо бўлиши тайин эди.

Албатта, буларнинг барчаси қўшни давлатлардан янада ҳамжихат бўлиб ҳаракат қилишни тақозо этаётган эди. Шу жиҳатдан, бугунги кунлардаги ҳамкорлигимизни мустаҳкамлаш шунчаки сиёсий мақсад эмас, балки стратегик заруратдир.

Давлатимиз раҳбарининг мақоласида қайд этилганидек, айнан Маслаҳат учрашувлари формати йўлга қўйилгач, минтақавий ҳамкорлик тарихида түб бурилиш ясалди. Марказий Осиё етакчилари кўп йиллар мобайнида биринчи марта ташқи воситачиларсиз тизимли ва мунтазам мулоқотни бошлади ҳамда бу ишончга, очиликка ва умумий манфаатларни англашга асосланган янгича сиёсий тафаккур рамзига айланди. Маслаҳат учрашувлари доирасидаги мулоқотлар орқали ўзаро ихтилофларга сабаб бўлиши мумкин саналган қатор келишмовчиликларни бартараф этиш ва ишонсизликдан ҳаққиқ хамкорликка ўтишга эришилди. Буни нафақат Марказий Осиёнинг, балки бутун дунёнинг ютуғи сифатида баҳоласак тўғри бўлади. Зеро, давлатларнинг, минтақа ҳамда қитъаларнинг тинчлиги ва тараққиёти дунёнинг тинчлиги ҳамда тараққиётидир.

Нигора ЛУТФУЛЛАЕВА,
Олий Мажлис Қонунчилик палатаси депутаты.

МУШТАРАК ИНТИЛИШЛАР САМАРАСИ

Маданияти, дини, урф-одат ва қадриятлари яқин бўлган Марказий Осиё давлатлари бугун нафақат азалий алоқаларини қайта тиклади, балки халқро ҳамжамиятга ўзаро ишонч, яхши қўшничилик ва ҳурмат асосига қурилган ягона субъект сифатида ўзини намоён қилмоқда. Содда айтганда, қардош давлатлар ички ва ташқи сиёсатда том маънода янги, тарихий аҳамиятга молик босқичга қадам қўймоқда.

Бугун геосиёсий вазият издан чиқиб, хатарлар кучайган, бир минтақада, ҳатто ён қўшниллар ўртасида зиддиятлар пайдо бўлиб, иқтисодий алоқалар занжир узилган шароитда Марказий Осиё давлатларининг ҳар жиҳатдан бирлашуви, шубҳасиз, нотинч дунёга намуна бўлмоқда.

Халқимизнинг “Ён қўшнинг — жон қўшнинг”, деган ғурмаъно ҳикмати ҳақиқий маънода ўз ифодасини топапти. Зеро, Президентимиз Шавкат Мирзиёев “Марказий Осиё янги давр остонасида” номли мақоласида таъкидлаганидек, қўшничилик — хавф эмас, имконият, бир тарафининг муваффақияти — барчаниннг ютуғидир.

Бир пайтлар бизни ажратиб турган чегаралар бугун дўстлик ва ҳамкорлик кўпригига айланди. Қўшни халқ-

лар яна борди-келдиларини тиклаб, яхши кунларини бирга нишонляпти. Қудандалигини давом эттиряпти. Муаммоларини ҳамжихатликда, бамаслаҳат ҳал қилаяпти. Янги ўтказиш пунктлари очилди, авиа ва темир йўл, автобуслар қатнови йўлга қўйилди. Энг муҳими, қардош халқлар минтақада бўлаётган барча ихобий ўзгаришларни ўзларининг қундалиқ ҳаётида ҳис этияпти. Биргина натижа: минтақа мамлакатларининг умумий сайёҳлик оқимида ички минтақавий туризмнинг улуши 80 фоиздан ошди.

Марказий Осиё давлатлари ўз жадал тараққиётининг янги босқичига қадам қўётган бир пайтда иқлим ўзгариши, энергетика, сув ва озиқ-овқат хавфсизлигини таъминлаш, рақамли технологияларни ривожлантириш

билан боғлиқ қатор масалалар пайдо бўлдики, уларни ҳам биргаликда ҳал қилиш бугун устувор аҳамият касб этмоқда. Тошкентда ўтаётган минтақа давлатлари раҳбарларининг навбатдаги Маслаҳат учрашуви айнан юқоридаги масалаларга ечим вазифасини ўташда ҳам муҳим ўринга эга бўлади.

Зотан, Президентимизнинг саммит олдида эълон қилинган дастурий мақоласида қайд этилганидек, бугун Марказий Осиёни кенг минтақамизда яшаётган барча миллат ва халқлар учун ягона тинчлик, фаровонлик ва тараққиёт маконига айлантирадиган ушбу тарихий суръатни сақлаб қолишимиз ҳар қачонгидан ҳам муҳимдир.

Абдулҳаким ЭШБОЕВ,
Олий Мажлис Қонунчилик палатаси депутаты.

Олий Мажлис Қонунчилик палатасида

МАҚСАДЛИ ИНДИКАТОРЛАР ИЖРОСИ ВА ТАҲЛИЛИЙ НАТИЖАЛАР

Маълумки, “2025 йил учун Ўзбекистон Республикасининг Давлат бюджети тўғрисида”ги Қонунга мувофиқ, Олий Мажлис Қонунчилик палатаси вазирлик ва идораларнинг республика бюджетидан ажратиладиган бюджет маблағларидан фойдаланиш тўғрисидаги, шунингдек, ривожлантириш дастури мақсадли индикаторларининг бажарилиш ҳолати ҳақидаги ҳисоботларини эшитишни амалга оширади.

Олий Мажлис Қонунчилик палатаси Коррупцияга қарши курашиш ва суд-ҳуқуқ масалалари қўмитаси мажлисида мазкур Қонунда белгиланган талаблардан келиб чиқиб, Адлия вазирлиги томонидан 2025 йилнинг 9 ойи давомида бюджет ва бюджетдан ташқари маблағлар ҳисобидан белгиланган мақсадли кўрсаткичларга эришилиши ҳамда маблағларнинг сарфланиши юзасидан вазирлик ахбороти эшитилди.

Таъкидланганидек, ҳисобот даврида вазирлик томонидан 225,8 млрд. сўм маблағ ёки 2025 йилда белгиланган режадагига нисбатан 69,0 фоиз маблағ ишлатилган.

Мажлисида вазирликка юклатилган 18 та мақсадли кўрсаткичнинг ҳар бирига тўхталиб, бажарилиши кечикаётган кўрсаткичлар бўйича масъулларнинг ахбороти эшитилди.

Шунингдек, жорий йилнинг 9 ойи давомида адлия органла-

ри ва муассасалари томонидан жисмоний ва юридик шахсларнинг вакилларини қабул қилиш, уларнинг мурожаатларини кўриб чиқиш юзасидан амалга оширилаётган ишларнинг натижалари ҳам таҳлил этилди.

Мазкур масала бўйича депутатлар ўз таклиф ва мулоҳазаларини билдирди. Мурожаатларни мазмунан кўриб чиқиш, уларни ваколатли органларга тўғри йўналтиришда аҳолининг ҳуқуқий билиминини ошириш муҳим аҳамият касб этиши, вазирликнинг “1008 — ишонч телефони” орқали мурожаатларни қабул қилиш имкониятларини кенгайтириш, бу жараёнда сунъий интеллект технологияларидан кенг фойдаланиш зарурлиги ҳам таъкидланди.

Эшитув таълими кун тартибидидаги масалалар юзасидан қўмитанинг тегишли қарорлари қабул қилинди.

«Халқ сўзи».

ТАРАҚҚИЁТГА ҚАРАТИЛГАН ТАКЛИФ ВА ТАШАББУСЛАР

Ўзбекистондаги Ислон цивилизацияси марказида 13 ноябрда бошланган “Марказий Осиё: умумий маънавий-маърифий мерос — умумий келажақ” мавзусидаги халқаро конгресс якунига етди.

Форум



Сўз — анжуман иштирокчиларига

Лачин НУРМУҲАММЕДОВА, Туркменистон Республикаси Миллий кутубхонаси ҳузуридаги Республика маданият маркази директори: — Ушбу нуфузли тадбир нафақат илмий муҳокама, балки қардош халқлар ўртасидаги самимий мулоқот анжумани бўлди. Биз — Марказий Осиё халқлари тарихан бир илдиздан озуқа олиб келмоқдамиз. Бугун ана шу маънавий боғланишни янги замон талабларига мос равишда мустаҳкамлаш ҳар биримиз учун шарафли вазифадир.

Форум давомида маданий меросни асраш ва замонавий усулларда тақдим этиш масалалари юзасидан қимматли фикрлар алмашди. Хусусан, Туркменистон билан Ўзбекистон музейлари, кутубхоналари ва илмий марказлари ўртасида рақамлаштириш, қўлёзмаларни электрон форматда тадқиқ қилиш ҳамда археологик топилмаларни ўзаро тақдим этиш бўйича ҳамкорлик имкониятлари муҳокама қилинди. Фикримча, бу каби ташаббуслар нафақат маданий яқинлиқни кучайтиради, балки ёш авлод онгига умумий тарих ва ягона маънавият туйғусини мустаҳкамлайди.

Фарҳад ГУЛИЕВ, Озарбайжон Фанлар академияси миллий институти директори: — Ўзбекистон Президентининг бундай лойиҳага қўл

ургани мамлакат тарихида янги бир Ренессанс даврига қадам қўйилаётганининг ифодасидир. Бу жараёнда катнашимизми, мана шундай улкан ишларда бир қардош давлат сифатида ҳиссамаси қўшилиши бизни ҳам бироя мамнун этмоқда.

Ўзбекистон заминида яшаб ўтган улуг сиймолар айни пайтда бизнинг ҳам улуг аждодларимиздир. Шу боис тарихий меросни тадқиқ қилиш, ўрганиш ишларидо кўмақдош бўлишни бурчимиз деб биламиз. Бу борада янги насл, яъни ёш авлодларимиз ҳамфикр бўлиши, мазкур мавзулар доирасида чуқур изланишлар олиб бориш зарур. Бугун ёшларнинг мана шундай интилишларига катта эҳтиёжimiz бор. Ўзбек, озарбайжон, турк, қирғиз, қозок, туркман ёшлари, гарчи турли ўлкаларда яшасалар-да, бир маданиятга мансуб эканликларини идрок этишлари лозим. Бу масалада ушбу марказнинг роли буюк ва биз бунга дастак бўлишга доим тайёرمىз.

Фарҳод МАКСУДОВ, Ўзбекистон Фанлар академияси Миллий археология маркази директори, тарих фанлари доктори, профессор: — Марказий Осиё минтақаси ҳам жуғрофий, ҳам тарихий жиҳатдан яхлит ўлка саналади. Бугунги кунда сиёсий томондан олти давлатга бўлиниб кетган бу ҳудуд қадимдан ўзининг географик бирикликни — чўлла-

ри, тоғлари, дарёлари, даштлари, унда яшаган инсонлар билан ягона бир маданий диёр бўлган. Турли сабабларга кўра мазкур минтақа бўлиниб кетганига қарамай, унда яшаган элатлар бири-бири билан тарихий тақдирни, тилларни, динларни, маданиятларни ўртоқлашган. Агар Марказий Осиё бугунги кунда жаҳон қўламинида ўзининг сўзини мустаҳкам сўзлай оладиган минтақа ўлароқ чиқса, дунё сиёсий саҳнасида ўз ўрнини эгаллайди, овози янада баландроқ янграйди. Ўзбекистон ҳукумати ва ён-атрофдаги қўшни давлатлар бу заруратни тўғри тушунган ҳолда маданий, маърифий жиҳатдан ўзаро интеграциялашув устида иш олиб бормоқда.

Президентимиз ташаббуси билан бир неча йиллардан буён йирик мажмуа — Ўзбекистондаги Ислон цивилизацияси марказини барпо қилиш устида иш олиб борилди. Қўллаб олимлар, тарихчи археологлар, санъатшунослар, адабиётшунослар кизгин меҳнат қилишди. Мана шу мутхашам мажмуада ўтказилган ушбу анжуманда бутун Марказий Осиё ва Озарбайжондан ҳукумат вакиллари, йирик олимлар, мутахассислар қатнашди. Биргаликдаги муҳокамаларда ўлкаларимиз маданий, тарихий ва географик жиҳатдан яхлит бўлгани илмий жиҳатдан яна бир бор исбот этилгани, ўйлайманки, анжуманнинг энг катта ютуғидир.

Ғолиб БАҲРОМОВ («Халқ сўзи»).

«Қамчиқ» ва «Дарбанд» доволаридан ўтган темир йўллар учун Жанубий Кореядан тезуяр поездлар харид қилинади.

Глобал рақобат муҳитидаги дадил қадамлар

Яқинда Президентимиз Шавкат Мирзиёевнинг пойтахтимиздаги Мирзо Улуғбек туманида жойлашган IT-паркка ташриф буюриб, лойиҳанинг иккинчи босқичига тамал тоши қўйиш маросимида иштирок этгани мамлакатимизда ахборот технологиялари (IT) соҳасига қаратилаётган улкан эътиборнинг яна бир ёрқин далили бўлди.

Нуктаи назар

Соҳани ривожлантиришнинг аҳамияти

Ўзбекистонда сўнгги йилларда ахборот технологиялари соҳасини ривожлантириш давлат сиёсатининг устувор йўналишларидан бирига айланди. “Бир миллион дастурчи” лойиҳаси, IT таълим муассасаларининг кўпайиши, солиқ имтиёзлари ва бошқа чора-тадбирлар соҳани жадал ривожлантиришга хизмат қилмоқда. Бу каби ташаббуслар Ўзбекистонни минтақавий рақамли марказга айлантиришга қаратилган узок мuddатли стратегиянинг бир қисмидир.

Мазкур соҳанинг жадал ривожланиши Ўзбекистон учун қатор стратегик аҳамиятга эга. Биринчидан, бу иқтисодийётни диверсификация қилиш, нефть-газ ва пахта каби хомашёга қарамликни камайтириш имкониятини беради. Иккинчидан, юқори қўшимча қийматга эга маҳсулот ва хизматлар экспортини ошириш орқали валюта тушумларини кўпайтиради. Учинчидан, янги, юқори даромадли иш ўринларини яратди ва ёшларнинг меҳнат бозоридagi рақобатбардошлигини таъминлайди. Нihоят, IT мамлакатнинг рақамли трансформациясининг асоси бўлиб, давлат бошқаруви, соғлиқни сақлаш, таълим ва бошқа соҳаларда самарадорликни оширади.

Очилини айтганда, бугун дунёда сунъий интеллектдан (СИ) фойдаланиш борасида кескин кураш бормоқда. Сўнгги ўн йилликда жаҳон инвестицияларининг сунъий интеллект соҳасига йўналтирилган ҳажми 2014 йилдаги 8 миллиарддан 2024 йилда 110 миллиард долларгача ўсди.

Бугун қайси соҳада бўлмасин, ким бу жараёнда қаттиқ изланиб, бир қадм олдинда юрса, марра шуники бўлиши тобора ойдинлашмоқда.

Изчиллик — давр талаби

Ҳозирги даврда Ўзбекистонда IT йўналишида тизимли ислохотлар амалга оширилиб, соҳанинг ҳуқуқий базаси мустаҳкамланмоқда. Тармоқ ривожига оид қонун ва қарорлар қабул қилиняпти. Кадрлар тайёрлаш тизими такомиллаштирилаётти. Олий ўқув юртиларида СИ бўйича мутахассислар тайёрлаш йўлга қўйилди. Хорижий экспертлар жалб қилиниб, халқроқ тажриба ўрганилмоқда. Инфратузилма ривожлантирилмоқда. Давлат хизматлари, банк-молия, жамоат хавфсизлиги, транспорт каби йўналишларда 30 дан ортиқ пилот лойиҳалар ишга туширилган. Утган йили сунъий интеллектни 2030 йилга қадар ри-

вожлантириш стратегияси тасдиқланди.

Рақамли технологиялар вазирлигида мазкур соҳа билан ишлайдиган алоҳида марказ ташкил этилди. Мамлакатимизда замонавий маълумотларни қайта ишлаш марказлари қуриляпти ва интернет тармоғи кенгайтирилмоқда. Рақамли ҳукумат платформаси орқали давлат органлари ўртасида маълумотларнинг инсон омилисиз алмашинуви йўлга қўйилди. Стартапларга ўзининг дастурий маҳсулотини Рақамли ҳукумат платформасига интеграция қилиб, ундаги маълумотлардан фойдаланишга рұхсат берилди. Қишлоқ хўжалигида ҳосилдорликни оширишга эришилди. Соғлиқни сақлаш соҳасида ташхис қўйиш сифати яхшилланмоқда. Стартап-экотизим яратилиб, ёш тадбиркорларни СИ соҳасидаги лойиҳаларни амалга оширишга жалб этиш ва қўллаб-қувватлаш мақсадида стартап-акселераторлар ва бизнес-инкубаторлар ташкил қилинмоқда.

Албатта, эришилган натижалар билан чекланиб қолинса, рақобатда ортда қолиб кетиш мумкин. Бу йўлда изланишларни изчил давом эттириш — давр талаби. Шу боис давлатимиз раҳбари IT-паркка ташрифи чоғида соҳани янада ривожлантириш борасида долзарб тақлифларни илгари сурди. Аввало, эндиликда вазирлар ва тармоқ раҳбарларининг рақамлаштиришга масъул ўринбосарлари бир вақтнинг ўзида соҳада сунъий интеллектни ривожлантиришга ҳам жавобгар бўлади. Шаҳар ва туманларда ҳам ҳокимларнинг рақамлаштириш ва сунъий интеллект бўйича маслаҳатчиси лавозими жорий қилинади. Барча вазирлик ва ҳокимликларга ўз тузилмасида сунъий интеллектни ривожлантириш билан шугулланадиган алоҳида бўлимага ташкил этиш ва уларнинг олдига, аввало, иш самарадорлиги ва хизмат сифатини ошириш, ортиқча харажат, “яширин иқтисодиёт” ва бюрократияни қисқартириш каби масалаларга ечим топиш бўйича аниқ вазифаларни белгилаб бериш топширилди.

Юқори кўрсаткичга эришган, хорижий тилларни билидиган, технологик билими кучли 100 нафар мутахассис АКШ, Сингапур, Япония, Европа давлатларида олти ойлик ўқув курсларига юборилди. Келгуси йилдан вазирлик ва ҳудудларда сунъий интеллектни жорий этиш ҳолатини баҳолайдиган рейтинг тизими ишга туширилади.

Дунёда “ақлли” технологияларга талаб то-

бора ортиб бораётган бир пайтда, рақобатдош бўлиш учун 3 та энг асосий масала — инфратузилма, очиқ маълумотлар ва кадрлар тайёрлашга эътибор янада кучайтирилади. Кейинги йили соғлиқни сақлаш, энергетика, банк-молия, божхона-солиқ, транспорт, тоғ-кон ва қишлоқ хўжалиги соҳаларида сунъий интеллект бўйича 100 та лойиҳани амалга ошириш режалаштирилган.

СИни ривожлантириш фақат замонавий инфратузилма ва алгоритмларга эмас, балки малакали кадрларга ҳам боғлиқ. **“Бу соҳанинг асоси — математика ва информатика. Шу боис, кадрлар тайёрлашни энг аввало мактабдан бошлаш керак”**, деди Президентимиз. Ушбу мақсаддан келиб чиқиб, кейинги ўқув йилидан Информатика фани ўқув дастурларига сунъий интеллектга оид мавзулар киритилади. Бунинг учун Масъусетс технологиялар институтини билан ҳамкорликда махсус дарслик ишлаб чиқилади. “Бир миллион дастурчи” лойиҳасининг мантқий давоми сифатида “Бир миллион сунъий интеллект етакчиси” лойиҳаси ҳам бошланди.

Бу саёй-ҳаракатлар ортида улкан мақсадлар бор. Ўзбекистон 2030 йилга бориб, сунъий интеллект бўйича “ТОП — 50”талика киришни мақсад қилган. Шу боис илгор хорижий тажрибадан келиб чиқиб, “Сунъий интеллект альянси”га асос солинади. Ушбу альянс тарқибига соҳада самарали фаолият юритаётган етакчи компаниялар, хорижий экспертлар, йирик давлат корхоналари, банклар ва олийгоҳлар киритилади. Альянснинг асосий вазифалари етакчи халқроқ илмий-тадқиқот марказлари ва акселераторлар билан ҳамкорликни кучайтириш, ўзимиздаги дастурлар бўйича медиаконтент яратиб, халқроқ PR кампанияларни ташкил этиш, маҳаллий корхоналар ва мутахассисларнинг халқроқ кўргазма, форум ва конференциялардаги иштирокини таъминлашдан иборат бўлади.

Келажак технологияси

Ўзбек тилидаги адабиётлар, маълумотлар, мақолалар, ҳисоботлар, илмий ишларнинг аксарияти рақамлашмаган, электрон шаклга ўтказилганлари ҳам ҳар хил манбаларда сақланмоқда. Вазирлар Маҳкамасига барча вазирлик ва идоралар маълумотларини электрон форматга ўтказиш жадвалини тасдиқлаш, Рақамли технологиялар вазирлигига сунъий интеллект миллий маданиятимиз ва қадриятларимизни ўзида ифодалай олиши учун “Ўзбек тили корпуси”ни яратиш вазифаси юклатилди.

Сунъий интеллект — келажак технологияси. Биз учинчи Ренессанс пайёворини яратишдек эзгу мақсадни ўз олдимизга қўйган эканмиз, сунъий интеллект ботида ҳам ҳеч кимдан ортда қолмаслигимиз лозим.

Шу маънода IT соҳасини жадал ривожлантириш борасида ҳали қилиниши керак

бўлган ишлар кўп. Масалан, бозорда талаб юқори бўлган, замонавий технологиялар ва дастурлаш тилларини чуқур билидиган кадрларни кўпайтириш керак. Қўллаб компаниялар халқроқ лойиҳалар учун мос келадиган даражадаги мутахассисларни топишда қийинчиликларга дуч келмоқда. Олий таълим муассасаларида берилаётган билимлар кўпинча реал иш жойидаги талаблар ва амалий кўникмалардан ортда қолади. Назарий билимлар кўп бўлса-да, уларни амалиётда қўллаш ва мураккаб лойиҳаларда иштирок этиш кўникмалари етарли эмас. Битирувчиларнинг кўпчилигида амалий лойиҳаларда қатнашиш тажрибаси кам. Бу уларнинг ишга жойлашиш жараёнини мураккаблаштиради ва компаниялар учун қўшимча ўқитиш харажатларини келтириб чиқаради.

Шу боис юртимизда талабаларда мустақил фикрлаш, муаммоларни ечиш ва креатив ёндашувларини ривожлантиришга эътибор кучайтириляпти. Бу эса уларнинг глобал IT бозорига рақобатбардош бўлишига имкон беради.

Мавжуд муаммоларни ҳал этиш учун комплекс ёндашув талаб қилинади. Шу маънода, олий таълим ва IT компаниялари ўртасидаги ҳамкорликни кучайтиришга эътибор қатта. Хусусан, талабаларнинг ўқув жараёнидаёқ компанияларда амалиёт ўташи, дуал таълим тизимини жорий этиш орқали амалий кўникмаларни ривожлантириш, шунингдек, ўқув дастурларини ишлаб чиқишда компанияларнинг фикрларини инобатга олиш ҳам устувор вазифага айланган. Глобал стандартлар ва бозор талабларига мос, доимий янгиланув турадиган дастурларни жорий қилиш, хорижий етакчи университетлар тажрибасини ўрганиш ва жорий этиш ҳам муҳим. IT соҳаси тез ўзгариб тургани сабабли, мутахассисларнинг доимий малакасини ошириб бориши учун имкониятлар яратиш, қайта тайёрлаш ва малака ошириш курсларини ташкил қилиш масалаларида ҳам ортда қолмаслигимиз зарур.

Президентимизнинг IT-паркка ташрифи ва лойиҳанинг иккинчи босқичига тамал тоши қўйилиши Ўзбекистоннинг рақамли иқтисодиётини ривожлантиришга қатъий интилишининг аққол исботидир. Юқори малакали кадрлар тайёрлаш борасидаги муаммоларни ҳал этиш орқали мамлакатимиз нафақат минтақавий, балки глобал IT бозорига ҳам муҳим ўрин эгаллаши мумкин. Бу эса Ўзбекистоннинг келажакдаги иқтисодий ривожланиши ва халқроқ майдондаги нуфузини янада мустаҳкамлайди. Соҳага қаратилаётган эътибор ва саёй-ҳаракатлар натижасида Ўзбекистон яқин келажакда IT соҳасидаги етакчи давлатлардан бирига айланиши кутилмоқда.

Оруз ДАВРОНОВ,
Алишер Навоий номидаги Тошкент давлат Ўзбек тили ва адабиёти университетининг ўқув ишлари бўйича проректори.

18 ноябрь — Ўзбекистон Республикасининг Давлат байроғи қабул қилинган кун

Миллий бирдамлик ва ватанпарварлик рамзи



Халқимизни ягона мақсад йўлида бирлаштириш, эзгу орзу ва интилишларга илҳомлантириш, ҳар бир қалбда миллий гурур, ватанпарварлик ва садоқат туйғуларини мустаҳкамлашда давлат рамзларининг ўрни беқиёс. Шу маънода, бу йил Ўзбекистон Республикаси Давлат байроғи қабул қилинганнинг 34 йиллиғи ҳам мамлакатимиз бўйлаб “Бир Ватан, бир эл, бир байроқ!” шиори остида кенг нишонланмоқда.

Бу улуг сана муносабати билан Республика Маънавият ва маърифат маркази ташаббуси билан қатор вазирлик ва идоралар ҳамкорлигида “Бир байроқ остида” республика байроқ эстафетаси ташкил этилди. Ушбу лойиҳадан қўзланган мақсад халқимизни янада жипслаштиришдир.

Рамзий байроқ 8 — 10 ноябрь кунлари Қорақалпоғистоннинг Мўйноқ шаҳри, Сурхондарёнинг Сарйосиё тумани ва Андижоннинг Хонобод шаҳридан бир вақтинг ўзида йўлга чиқди. Уч йўналиши бўйлаб ҳаракатланаётган байроқ мамлакатимизнинг барча ҳудудларидан ўтиб, 18 ноябрь куни Тошкент шаҳридаги “Халқлар дўстлиғи” майдонида бирлашади.

Айтиш жоизки, байроқнинг ҳар бир манзилга кириб бориши тарих ва замонавийлик уйғунлигини аққол намоён этмоқда. Мазкур эстафета доирасида ҳар бир ҳудудда маданий, маънавий-маърифий тадбирлар, давра суҳбатлари ташкил қилиниб, уларда ёшлар, ҳарбийлар, зиёлилар ва кенг жамоатчилик вакиллари фаол қатнашмоқда.

Куни кеча Мўйноқдан бошланган сафда мағрур байроқ Амударё устидан ўтиб, Хоразмнинг маданий марказларидан бири — Хивага етиб келди. Ичан қалъа, Арда Хива, Жалолиддин Мангуберди хайкали жойлашган майдонда ўтказилган тадбирлар юртдошларимизга муҳаббат ва фидойилик қайғитинини улашди.

Бу жараён нафақат юртимиз аҳлини, балки хорижий сайёҳларни ҳам бефарқ қолдирмаапти. Хусусан, мамлакатимизда бўлиб турган туристлар Ўзбекистон халқининг бирдамлиғи ҳамда давлат рамзларига бўлган юксак ҳурматини юқори баҳолашяпти.

Аминимизки, пойтахтда бўлиб ўтадиган асосий тантана байроқ эстафетасининг муносиб якуни бўлади. Ушбу лойиҳа Ватанга муҳаббат, миллатга садоқат, эзгулик ва ҳамжихатликни ифода этишда ўзига ҳос ташаббус сифатида ҳар бир юртдошимизнинг ёдида қолишига шубҳа йўқ.

Баҳора АХМЕДОВА.

СЎЗ САНЪАТИ ФИДОЙИСИ

Ўзбекистон Республикаси Фанлар академиясининг Ўзбек тили, адабиёти ва фольклори институтида таниқли адабиётшунос олим ва таржимон, филология фанлари номзоди, профессор Эргаш Очилов таваллудининг 60 йиллиғи муносабати билан “Филологиянинг долзарб масалалари” мавзусидаги республика илмий-назарий конференцияси ўтказилди.

Анжуман

Унда юртимиз илм-фан соҳаси вакиллари, адабиётшунослар, таржимонлар, шоир ва ёзувчилар, олий ўқув юртилари профессор ўқитувчилари ва талабалари, Тожикистон, Озарбайжон, Эрон, Ҳиндистондан олимлар қатнашди.

Анжуманда адабиётшунос олим Эргаш Очиловнинг мамлакатимизда илм-фанни янада ривожлантириш, бадий адабиётимизни сермизмун асарлар билан бойитиш, ёшларни сўз санъатига ошўфта инсонлар этиб тарбиялаш борасида қўшаётган ҳиссаси ҳақида сўз юритилди.

— Олим туркий ва форсий халқлар мумтоз адабиёти, адабий алоқалар ва бадий таржиманинг назарий-амалий масалалари билан шугулланади, — дейди Ўзбек тили, адабиёти ва фольклори институти директори ўринбосари Мақсуд Асқодов. — Шу билан бирга, фидойи иҳодкор рус, форс, тожик, дарий, туркман, озарбайжон, татар ва қорақалпоқ тилларидан шеърий ва насрий асарларни она тилимизга ўғирган. Таржима қилган ва нашрга тайёрлаган китобларнинг умумий ҳажми 150 дан ортиқ, 1700 га яқин илмий ва илмий-оммабоп мақолалари, маъруза ва тезислари турли нашрларда чоп этилган. Бу олимнинг сермақсул фаолият юритаётганининг ифодасидир.

Шунингдек, конференцияда адабиёт назарияси ва адабий алоқалар, ўзбек мумтоз адабиёти масалалари, XX аср ўзбек адабиёти ва ҳозирги адабий жараён, тилшунослик, таржимануослик муаммолари, фольклор ва ёзма адабиёт муносабати муҳокама қилинди.

Дилшод КАРИМОВ
(«Халқ сўзи»).

Бугун — Халқроқ бағрикенглик куни

МАДАНИЙ ДИПЛОМАТИЯНИНГ АЖРАЛМАС ҚИСМИ

Бугунги глобаллашув жараёнида жамиятда диний бағрикенгликни таъминлаш жаҳон ҳамжамияти олдида турган долзарб вазифалардан бирига айланган. Сўнгги йилларда дунёнинг турли нукталарида динлараро келишмовчиликлар, фуқаролар ўртасида адоват ва жамиятда беқарорликнинг юзага келиши каби салбий ҳолатлар кўпайгани кўзатишмоқда. Бундай мураккаб шароитда турли дин ва эътиқод вакиллари ўртасида ўзаро ҳамжихатлик, тотувлик ва ҳамкорликни ривожлантириш ҳар қачонгидан ҳам муҳим аҳамият касб этмоқда.

Ушбу йўналишдаги катта қадамлардан бири жамиятда динлараро мулоқот ўрнатиш ҳисобланади. “Динлараро мулоқот” атамаси — турли динлар, эътиқодлар ва маънавий қарашларга эга шахслар ўртасидаги конструктив, ўзаро ҳурмат ва ҳамкорликка асосланган мулоқот шаклини ифода этади. Унинг асосий мақсади турли динлар вакиллари ўртасида ўзаро тушунишни рағбатлантириш орқали бағрикенглик ва тотувлик даражасини оширишдан иборат.

Шу нуктаи назардан, динлараро мулоқот маданий дипломатиянинг ажралмас ва муҳим тарқийбий қисми сифатида намоён бўлади. У турли дин ва маданият вакилларини бир майдонга жамлаб, мулоқот ва барқарор ҳамкорлик механизмларини йўлга қўйиш орқали глобал тинчлик ва ярашувга эришишда ҳал қилувчи омилга айланади.

Бугунги кунда динлараро мулоқот қўллаб-қувватлаш ва халқроқ ташкилотлар томонидан институционал даражада қўллаб-қувватланмоқда. Дунёнинг илгор мамлакатларида диний бағрикенгликни ўрганиш ва тарғиб қилишга қаратилган махсус марказлар фаолият олиб бормоқда. Хусусан, БААда 2017 йилда Халқроқ бағрикенглик институти ташкил этилиб,

2018 йилда дунёдаги барча конфессия етакчиларини жамлаган Халқроқ бағрикенглик саммити ўтказилди.

Қатарда 2010 йилдан буён фаолият юритаётган Доҳа халқроқ динлараро мулоқот маркази (DICI) динлараро мулоқотни кучайтириш ва турли дин вакиллари ўртасида тинч-тотув яшашни тарғиб қилиш билан шугулланади. Марказ “Адён” (Динлар) номи илмий журнални нашр этади ва 2013 йилда “Доҳа халқроқ мукофоти”ни таъсис қилган.

Саудия Арабистони, Австрия ва Испания ҳамкорлигида 2012 йилда асос солинган Қирол Абдуллоҳ номидаги Халқроқ динлар ва маданиятлараро мулоқот маркази (KAICIID) ҳужуматлараро ташкилот бўлиб, ҳозирда Лиссабонда жойлашган. Унинг вазифаси бутун дунё диний етакчиларини жалб этган ҳолда мулоқотни уюштириш ва ижтимоий тоғувликка тўқсинлик қилаётган муаммоларни бартафрф этишга кўмаклашишдир.

Шунингдек, Иорданияда Динлараро ҳамкорлик илмий-тадқиқот маркази, Озарбайжонда Диний конфессия раҳбарларининг Маслаҳат кенгаши, Қозоғистонда Динлар ва цивилизациялараро мулоқотни ривожлантириш маркази каби динлар ўртасида мулоқотни ривожлантиришга

қаратилган махсус тузилмалар фаолият юритмоқда.

Глобал миқёсдаги ушбу тенденциялар фонида Ўзбекистоннинг сайёҳаракатлари алоҳида эътиборга лойиқ. Бугунги кунда Ўзбекистонда 130 дан ортиқ миллат ва аэлатлар, 16 та диний конфессия вакиллари истиқомат қилад. Мамлакатимизда турли динларни асраб-авайлаш, барча фуқароларга эътиқод эркинлигини таъминлаш ва миллатлараро ҳамжихатликни мустаҳкамлаш борасида кенг қўламли ишлар амалга оширилмоқда.

Бу жиҳатлар 2017 — 2021 йилларга мўлжалланган Ҳаракатлар стратегиясида ва Янги Ўзбекистоннинг тарақийёт стратегиясида устувор вазифа сифатида белгиланган. Президентимиз таъйидлаганидек, давлат сиёсатида барча миллат ва элат вакилларининг миллий ўзлиги, тили, маданияти ва динини сақлаб қолишга катта аҳамият берилади.

Ўзбекистоннинг бу борадаги амалий қадамларидан бири сифатида БМТ Бош Ассамблеясининг 2018 йил 12 декабрдаги ялпи мажлисида “Маърифат ва диний бағрикенглик” махсус резолюциясининг қабул қилинишини келтириш мумкин.

Бу мамлакатимизнинг нафақат ички барқарорликни таъминлаш, балки халқроқ майдонда ҳам фаол ташаббускор сифатида майдонга чиқаётганини кўрсатади.

Ўзбекистон Президенти Шавкат Мирзиёевнинг БМТ Бош Ассамблеясининг 78-сессиясидаги нутқида жаҳон миқёсида динлараро бағрикенглик ва ҳамжихатлик гоғяларини кенг тарғиб этишга қаратилган муҳим тақли илгари сурилди. Бу Ўзбекистонда ЮНЕСКО шафелигида Динлараро мулоқот ва бағрикенглик

халқроқ марказини ташкил қилиш ташаббусидир.

Мазкур ташаббус Ўзбекистоннинг глобал жараёнга муносиб ҳисса қўшишга тайёрлигини намоён этади. Бинобарин, ушбу янги марказ халқроқ ҳамжамиятнинг тинчлик ва тотувликни мустаҳкамлаш йўлидаги сайёҳаракатларини бирлаштирувчи муҳим платформага айланиш салоҳиятига эга бўлади.

Давлатимиз раҳбарининг ЮНЕСКО шафелигида янги марказ тузиш тақлифи бир неча муҳим жиҳатлари билан аҳамиятлидир. Хусусан, биринчидан, бу глобал эҳтиёжга жавобдир. Марказнинг очилиши дунёда диний мурасасизлик кучайиб бораётган бир пайтда Ўзбекистоннинг бағрикенглик тамойилларини нақадар кадрлашини намоён этади.

Иккинчидан, янги марказ “KAICIID”, “DICI”, БАА Халқроқ бағрикенглик институти каби мавжуд тузилмаларнинг муваффақиятли тажрибаларини ўрганиш ва улар билан ҳамкорлик қилишга шариот яратди.

Учинчидан, ташкилотнинг ЮНЕСКО мандати остида фаолият юритиши унга глобал миқёсда юқори мақом, нейтраллик ва кенг камровли иш олиб бориш имконини беради. Бу, ўз навбатида, БМТнинг тегишли резолюцияларини амалга оширишга ҳам ҳисса қўшади.

Тўртинчидан, Ўзбекистон ҳудуди тарихан турли динлар ва маданиятлар чоррахаси бўлган. Бундай марказнинг минтақамизда ташкил этилиши нафақат Ўзбекистоннинг, балки бутун Марказий Осиёнинг динлараро мулоқотдаги ихобий ролини кучайтиради.

Глобаллашув шароитида дин омилли ҳам бирлаштирувчи, ҳам

Жасур НАХИМИДДИНОВ,
Имом Мотуридий халқроқ илмий-тадқиқот маркази илмий қотиби, тарих фанлари бўйича фалсафа доктори (PhD), доцент.

Халқ сўзи

Народное слово

Бош муҳаррир Ўткир РАҲМАТОВ

2020 йил 25 мартда Ўзбекистон Республикаси Президенти Администрацияси ҳузуридаги Ахборот ва оммавий коммуникациялар агентлигида 0001-рақам билан рўйхатга олинган. Нашр индекси — 229. Буюртма Г — 1142. 10 552 нусxada босилди, ҳажми — 2 табоқ. Офсет усулида босилган. Қоғоз бичими А—2. Баҳоси келишилган нархда.

ТЕЛЕФОНЛАР:

Девонхона 71-259-74-51; қотибхона 71-259-74-53; эълонлар 71-259-74-87.

Газетани ҳақидаги маълумотларни юқлиб олиш учун QR-коднинг телефонингиз орқали сканер қилинг.

ISSN 2010-6768

9 772010 676809

Тахриратта келган кўлемлар тақрир қилинмайди ва муаллифга қайтарилмайди.

Газетанинг сўзлаб берилиши учун обунани расмийлаштиришга ташкилот жавобгар.

Газета тахрират компьютер марказида термиди ҳамда оператор А. Исмаилов томонидан сақланади.

Газетанинг полиграфик жиҳатдан сифатли чоп этилишига “Шарқ” нашриёт-матбаа акциядорлик компанияси масъул. Босмахона телефони: 71-233-11-07.

• МАНЗИЛИМИЗ:

100066,

Тошкент шаҳри,

Ислом Каримов кўчаси, 55-уй.

Навбатчи муҳаррир — Ҳ. Қаршиев.

Мусахҳиҳ — Ш. Машраббоев.

“Шарқ” нашриёт-матбаа акциядорлик компанияси босмахонаси. Корхона манзили:

Буюк Турон кўчаси, 41. ЎЗА якуни — 01.25 Топширилди — 01.27 1 2 3 4 5 6